

Mereka kalah sebelum bertarung dan menyerah sebelum cuba — PM

9 AUG 1998

KUALA LUMPUR 8 Ogos — Perdana Menteri berkata, masyarakat yang sentiasa diberi bantuan dan perlindungan akhirnya tidak berupaya mempertahankan diri apabila berhadapan dengan cabaran dan saingan.

"Mereka kalah sebelum bertarung dan menyerah sebelum mencuba," kata Datuk Sri Dr. Mahathir Mohamad.

Sehubungan dengan itu, katanya, kerajaan kini mempunyai matlamat untuk menukar sikap megah dan bangga menerima bantuan serta subsidi kepada sikap yang mengutamakan berdikari dan kejayaan melalui usaha sendiri.

Menurutnya, matlamat tersebut perlu dicapai walaupun menukar sikap yang melibatkan fikiran merupakan sesuatu yang sukar.

Datuk Sri Dr. Mahathir Mohamad menyatakan sebelum menyampaikan Pinaat Semai Bakti FELDA di Pusat Dagangan Dunia Putra di sini malam ini.

Perdana Menteri menegaskan, dalam pencapaian kejayaan, seseorang harus meletakkan matlamatnya seberapa tinggi yang boleh dan jangan sekali-kali berpuas hati dengan kejayaan kecil sedangkan kejayaan yang besar boleh dicapai jika dicuba dengan bersungguh-sungguh.

tidak dapat menikmati harga tinggi bagi komoditi yang lain. Inilah cara hidup bermasyarakat," jelasnya.

Kepada para peneroka FELDA pula, Datuk Sri Dr. Mahathir mengingatkan mereka supaya menabung dan melabur memandangkan harga komoditi adalah tidak stabil.

"Kita mesti belajar berjimat cermat, yang dikais pagi tidak semuanya mesti dihabiskan di waktu pagi, sebahagiannya disimpan untuk keperluan sebelah petang

atau sebelah malam ataupun untuk hari esok," katanya.

Dalam ucapannya itu, Perdana Menteri juga menegur sikap sesetengah pihak yang suka menyalahkan orang lain apabila berlakunya sesuatu yang malang.

Menurutnya, setiap pihak mempunyai tanggungjawab untuk kemajuan dan keamanan negara dan tidak wajar hanya berpeluk tubuh dan mengharapkan orang lain mengendalikan sesuatu untuk diri sendiri.

Mehurut Perdana Menteri, adalah tidak adil bagi kerajaan jika ia membantu secara bertentangan sesuatu pihak sedangkan pihak itu mampu membantu dirinya sendiri.

"Tidaklah adil bagi kerajaan membantunya sepanjang masa sehingga bahagian-bahagian yang lain tidak mendapat peruntukan yang sepatutnya," ujar beliau.

"Sekarang ini harga getah dan kelapa sawit melambung naik. Jika penbiayaan oleh kerajaan dapat dihenti atau dikurangkan, kita akan mempunyai wang yang lebih untuk mereka yang